

續日本後紀

甲第十三号二

内閣文庫	
和書類	一〇八七號
冊數	一〇冊
函架	三七函一四架

太政官文庫	
和書門	一〇八七號
冊架函	一〇冊

内閣文庫	
番號	和 11087
冊數	10 (2)
函號	137 137



續日本後紀卷第三

起美和元年正月盡十二月

太政大臣從一位藤原朝臣良房等奉勅撰

美和元年春正月壬子朔天皇御大極殿受

朝賀畢宴待從已上於紫宸殿賜御披 癸

丑天皇朝觀後太上天皇於淳和院太上天

皇逢迎各於中庭拜舞乃共昇殿賜群臣酒

兼奏音樂左右近衛府更奏舞既而太上天

皇以鷹鷄各二聯嗅鳥大四牙獻于天皇天

皇欲還宮降自殿太上天皇相送到南屏下也
也 甲寅後太上天皇賀先太上天皇於冷
然院以入新年也先太上天皇乍驚逢迎中
庭是日改年号下詔曰三微進代必制之以
嘉名五運因循終甄之次微號是知正始重
本之典千帝同符履端建号之規百王合契
朕恭膺明命續守鴻基分至推遷節候垂摸
方今攝提爰歲天紀更始之辰太族報春品

彙惟新之日宜有草創以光旧章宜改天長
十一年爲兼和元年 乙卯天皇朝謁先太
上天皇亦御淳和院以相賀也 戊午天皇
御豐樂殿觀青馬宴群臣詔授正五位下岑
成王從四位下正六位上助雄王從五位下
從四位上源朝臣弘正四位下正五位上滋
野朝臣貞主紀朝臣深江正五位下藤原朝
臣真川藤原朝臣助並從四位下從五位上

續日本後紀三
安倍朝臣高繼從五位下田口朝臣佐波主
並正五位下從五位下真苑宿祢雜物從五
位上外從五位下御船宿祢氏主正六位上
藤原兵守藤原朝臣諸氏大中臣朝臣磯守
橘朝臣本繼並從五位下紀朝臣國守外從
五位下正六位上清村宿祢豐春宗連繼繩
朝妻造清主秦宿祢真仲讚岐公永真風早
真人豐宗並外從五位下 己未天皇御大

極殿聽講寂勝王經皇太子侍焉崇朝之講
竟而還御內裏是日授正六位上大神臣船
公從五位下正六位上卜部嶋繼外從五位
下死位爲奈真人乙刀自營生朝臣氏刀自
並從五位下 癸亥以從五位下丹墀真人
貞宗爲左少弁從五位下田中朝臣許侶繼
爲左衛門權佐從五位上長田王爲大和守
從五位下春澄宿祢善繩爲兼攝津人東宮

續日本後紀三
三
學士大内記如故正五位下安倍朝臣高繼
爲山城守從五位上丹墀真人清貞爲伊勢
守從五位下小野朝臣千株爲尾張女從五
位下百濟公繩繼爲參河女駿何女從五位
下賀茂朝臣伊勢麻呂爲守從五位下清岑
宿林門繼爲女外從五位下上毛野公清湍
爲伊豆守參議從四位上藤原朝臣常嗣爲
兼相模守右大弁如故從五位下藤原朝臣

真經爲安房守四品葛井親王爲常陸大守
云云正五位下藤原朝臣長爲兼加賀守左
衛門佐如故從五位下石川朝臣越知人爲
越中女從五位上真苑宿林雜物爲因幡守
云云丁卯日有蝕之先是太宰府上言慶
雲見於筑前國至是太政官左大臣正二位
臣藤原朝臣諸嗣右大臣從二位兼行左近
衛大將臣清原真人夏野從二位行大納言

續日本後紀三
兼皇太子傅臣藤原朝臣三守正三位行中
納言兼兵部卿臣源朝臣常正二位行權中
納言臣藤原朝臣吉野中納言從三位兼行
民部卿臣藤原朝臣愛發參議從三位行治
部卿兼義作守臣源朝臣定參議右近衛大
將從三位臣橘朝臣氏公參議正四位下兼
行相摸守臣三原朝臣春上參議從四位上
行式部大輔勳六等臣朝野宿祢鹿取參議

左大弁從四位上兼行左近衛中將春宮大
夫武藏守臣文室朝臣秋津參議從四位上
兼行下野守臣藤原朝臣常嗣等上表言臣
聞恭以應而爲象成以感而成卦明至人右
上鬼神不能違其感至德傍通天地有以從
其應伏惟皇帝陛下兼累聖之皇基纂重光
之宰祚握鏡揚蕤燭貞輝於就日懷珠稱慶
褰景曜於望雲道冠二儀歸功先德化孚四

續日本後紀
表推美神宗伏見太宰大貳從四位下藤原
朝臣廣敏等奏稱慶雲見於筑前國那珂郡
玄黃蕭索之光丹紫輪困之采豈上唐帝沉
璧氣合於金方姬后望河形摸於車蓋而已
裁臣等謹檢孫氏瑞應圖曰慶雲太平之應
札斗威儀曰政和平則慶雲至孝經援神契
曰天子孝亦德至山陵景雲出夫自非仁露
函顯德配乾坤亦何上符烟燭呈茲灵杜臣

等時屬体明恩叨簪綬預聞嘉氣非常洗心
盖詔夏發曲而不嗟至美者誠非賞音之客
也灵符舒彩而不稱神功者恐非叶贊之臣
也無任拚躍鳥藻之至謹詣闕奉表陳賀
勅報曰楨符之應不昔虛行灵貺彼臻必鍾
實德所以唐堯上至猶讓而不預漢先中與
固拒而鮮記朕丕秉宝曆司牧寰區化謝暨
凶感班動物而今景雲著見公卿表賀朕之

續日本後紀三
非薄何以當之論不_レ去乎百姓寧輯風雨調
和此亦瑞也然則安危在乎人事吉凶繫於
政術或休祥未能成其美王道欽明咎徵不
能致于茲以此談之榮勳爲可異也日慎一
日雖休勿休賀瑞之言閉而不聽 戊辰天
皇御豐樂院觀射 己巳亦御同院閱覽四
衛府賭射 庚午山城国葛野郡上林郷地
方一町賜伴宿祢等爲祭氏神處是日任遣

唐使以叅議從四位上右大弁兼行相摸守
藤原朝臣常嗣爲持節大使從五位下彈正
少弼兼行兼作女小野朝臣篁爲副使判官
四人録事三人 辛未主上内宴於仁壽殿
教坊奏態中貴陪歡殊喚五位已上詞客兩
三人并内史等同賦早春華同之題是夕勅
授正六位上大戸首清上外從五位下清上
能吹横笛故鍾此恩葬 甲戌於永安門裏

兩掖廊前新作棚備于御射紫宸殿西南端
廊被徹毀以礙箭道也 丙子加賀國疫癘
賑給之 庚辰勅維摩會義得第僧沮依山
例請爲諸寺安居講師 二月壬午朔日有
蝕之 癸未新羅人等遠涉滄波泊着太宰
海淮而百姓惡之弯射傷由是太政官譴責
府司其射傷者隨犯科罪被傷疾者遣醫療
治給糧放還是日任造船使以正五位下丹

墀真人貞成爲長官主稅助外從五位下朝
原宿祢嶋主爲次官且以左中弁從四位下
笠朝臣仲守右少弁從五位下伴宿祢成益
並爲遣唐使裝束司 甲申伯耆國會見郡
荒廢田百廿町賜有智子內親王 丁酉山
城國葛野郡人從八位上物集廣永同姓豐
守等賜姓秦忌寸 丙戌正三位推中納言
藤原朝臣吉野爲正從三位源朝臣定爲中

務卿羨作守如故云云三品阿保親王爲治
部卿云云丙寅始充穀倉院仰一丁面已
丑行幸芥川野迦鷹鷄集覽其接擊日辛卯
勅曰万民安樂五穀垂穎不如最勝希有之
力宜令諸寺有封戸及田園堪資供者勤修
最勝王經法癸巳勅曰金銀薄泥用之公
私有費无益宜禁断之甲午上始御射場
左右衛府相共奉獻兼詔賭物上先射之一

箭中鵠獻新錢二万文大臣已下至近習以
次射之隨其能不介賜賭物各有差今夜三
品明日香親王薨焉桓武天皇第七皇子也
母紀氏贈正二位右大臣船守朝臣之女從
四位下若子是也親王天資質朴不尚浮華
弘仁年中世風奢麗王公貴人頗好鮮衣親
王獨至夏日朝衣再三幹濯或亦賣却極上
走馬以支藩邨費用其省約節儉皆此類也

先太上天皇在祚時親王上表自請除親王
号同之諸臣不見許更析所生男女賜朝臣
姓感其懇誠乃聽之孫主賜姓從此競效之
當于薨時朝廷悼之遣刑部大輔從四位下
紀朝臣深江治部大輔從四位下和氣朝臣
仲世并五位一人監護喪事加賀國石川郡
人賤造女一產二男給正統三百束及乳母
一人公糧令以育養遠江國智敷郡古荒田

秋三町賜阿保親王 乙未忠良親王冠也
郎叙四品先太上天皇第四子也母百濟氏
從四位下勳三等後哲之女從四位下貴命
是也 戊戌武藏國播羅郡荒廢田百廿三
町奉元冷然院 庚子伊勢守從五位上丹
墀真人清貞之官喚於殿上賜襖子令參議
正四位下行彈正太弼三原朝臣春上傳勅
語云拜舞退出 辛丑越後國飢振給之小

野氏神社在近江國滋賀郡勅聽彼民五位
已上每至春秋之祭不待官符永以往還
丁未忠良親王朝覲拜舞以新冠也天皇御
紫宸殿賜親王酒大臣以下侍從已上陪享
酣暢之後賜御被及襖子石見國言去年不
登百姓飢饉賑給之 丁卯勅在太宰府唐
人張繼明使令肥後守從五位下栗田朝臣
飽田麻呂相卒入京 辛未授正六位上春

日朝臣良棟從五位下廢造曆之才也從五
位上藤原朝臣長世爲兼右馬頭但馬守如
故三品阿保親主爲上野太守治部卿如故
是日授正六位上大春日朝臣良棟從五位
下廢造曆之才也是夕當于禁中之上有飛
鳴者其色似世俗所謂海鳥鴨女者其類數
百郡或言非海鳥是犬狐也宿衛人等仰天
窺望夜色冥朦唯聞其声不弁其負焉 三

月丙申朔丁酉勅女官別當雖非職負所掌之物不異諸司宜准侍從厨四年為限遷代之日責解由狀上辛酉鑄錢司言被俸料一介之人唯一千束僅支朝夕不足衣服迂替之日无糧還京右大臣奉处分班奉正稅十六万束於備後安藝周防長門豐前等國各三方二千束以其息利每人倍給之夏四月辛巳朔天皇御大極殿聽告朔壬午公

郷重上賀慶雲表曰臣聞叡道格宇灵貺所以自臻皇德動天禎應由其方降故灵鳥集社姫周延歷運之期耳露敷階陶君照休明之德袂惟皇帝陛下宅三才而子物參四大而君臨德化被於乾坤仁風扇於函頭解網而流恩懸旌而佇善國邁偃伯之期家溢思皇之頌天以不受其祥地以不藏其瑞可謂應圖合諫之符史无虛記者也陛下謙讓

續日本後紀三
而不當徒拒休徵天監孔明珠符何辭焉伏
望鴻恩照顧下惟納群臣之冊款上則叶皇
天之法貺制可之 辛丑先太上天皇降臨
右大臣清原真人夏野双罡山庄愛水木木
臣奉獻慇懃用展精札是日勅增授大臣男
息三人采爵從五位下瀧雄從四位下六位
沢雄秋雄並從五位下 丙午疫癘頗彘疾
苦稍多仍令京城諸寺爲天神地祇轉讀大

般若經一部金剛般若經十萬卷以攘災氣
也勅賜羨濃國荒廢田空閑地五十町於諱
田 四月丙戌勅防災未萌兼致豐稔修善
邑 之力職此之由且令畿内七道諸國擇國內
行者於國分僧寺三箇月内晝則轉金剛般
若經夜則修業師悔過迄于事畢禁斷殺生
亦如有疫癘處各於國界攘祭務在精進必
期灵感 五月乙卯天皇御武德殿閱覽四

續日本後紀三
衛府馬射。丙辰亦御同殿觀親王以下五位
已上所貢競馳馬。戊午亦御同殿令四衛
府馳盡種種馬藝及打毬之態。癸亥以遣
唐大使參議從四位上藤原朝臣常嗣爲兼
備中權守右大弁如故太工外從五位下三
嶋公嶋繼爲造船次官遣唐使判官録事及
知乘船事等兼外任者九人太宰府司公廨
元來斑給六国至天長八年依民部省所請

停給六国混給肥後國至是勅曰如聞轉送
之勞民受其費混給一國事非穩便且復旧
給之。乙丑勅令相模上總下總常陸上野
下野等國司勅力写取一切經下部來年九
月以前奉進其經本在上野國綠野郡綠野
寺。壬申死品貞子內親王薨後太上天皇
第一皇女而贈皇后所誕育也遣勘解由長
官從四位下藤原朝臣雄敏兵部少輔正五

位下安倍朝臣安仁常陸公從五位上永野
王左京亮從五位下吉田宿祢書生等監護
喪事壬子賜右京人外從五位下菅原宿
祢梶吉大初位下梶成等二人朝臣姓伊豫
國人正六位上浮穴直千繼大初位下同姓
真能等賜姓春江宿祢千繼之先大久米命
也近江國人從五位下志賀忌寸田舍麻呂
等四人賜姓下毛野朝臣五十瓊殖天皇皇

子豐城入彥命之苗裔也左京人正七位下
文忌寸歲主死位同姓三雄等賜姓淨野宿
祢河內國人正六位上文忌寸繼立改寸賜
宿祢享歲主三雄繼立等之先並百濟國人
也己巳授主殿允正六位上物部迺瑳連
熊猪外從五位下爲鎮守將軍六月甲午
講說仁王經於紫宸殿常寧殿及建禮門八
省院諸堂官城諸司諸局東西寺并羅城門

惣是百譚座也。丙申奉幣群神以祈其雨，旱也。丁酉地震。庚子從四位下紀，朝臣真道卒。故中納言從三位勝長朝臣男也。弘仁四年叙五位。天長九年累加四位。歷職兵部大輔左中弁右兵衛督。與道門風相兼能。傳射禮之容儀。大同年中，有從五位上伴宿柝和武多麻呂亦傳此法。由是後生武士長効兩家之法。頗有異同。大体惟一也。辛丑

和泉國人正六位上蜂田業師文從八位下同姓安遊等賜姓深根宿柝百濟國人也。辛丑大和國人外從五位下伴宿柝直足等。戊午五人改本居貫附左京。丁未奉伊勢太神宮及畿内七道名神幣以祈雨也。乙巳丹後國飢賑給之。戊申伊勢國飢賑給之。己酉延百僧於大極殿限二箇日轉讀大般若經為祈澍雨兼防風災也。秋七月庚

成朔以參議從四位上朝野宿祿鹿取爲左
大弁參議正四位下三原朝臣春上爲彈正
大弼云云從四位下百濟王安義爲右兵衛
督丹波守如故云云遣唐大使參議右大弁
從四位上藤原朝臣常嗣爲兼近江權守云
云辛亥初爲祈雨轉讀大般若經期日已
滿晴而無應由是轉經更延二日以効精誠
丁巳天无片雲炎氣如燿比及晦辰天陰

雨零從此漸至滂沛戊午以左近衛權中
將從四位下藤原朝臣良房爲參議勅聽穀
倉院預人等寓樓其院西南區地長丈廣
十二丈之內庚申是中旬之初也上御紫
宸殿賜侍臣酒乃至促親主大臣座於御床
下令以罍基季夕暮而罷賜親主大臣御衣
次侍從已上椽谷有差辛酉雨水泥溢
壬戌走幣畿内名神亦命諸太寺及諸國誦

師修法以防淫霖。甲子左大舍人寮廢來已久徒爲空閑。乙未中分其地以西賜式部省以東賜主稅寮。乙丑右京人正七位上和迺子真麻呂等十二人賜姓大神朝臣。丙寅天皇御紫宸殿觀相撲節越前出雲二國飢賑給之。甲戌右大臣從二位兼行左近衛大將清原真人夏野枕表請禱宿衛職。曰臣聞守分有地益之則損陳力就列不能

者止臣才略无聞度量有缺後太上天皇愛憐放劔特賜殊私拔自同班忝斯上將警陳侍衛九載于今鬢髮垂衰非帶兵之像腫眼蒙暗無講武之明而陛下御曆室命惟新喘息政行死不飲化是則臣之一心百君竭力之殃也屬此時來寔難自退所以欲謝不能僂悅從夏也夫近衛者禁兵攸存佳要折衝義功禦侮臣之衰邁何可久堪若論腰下之

佩力豈異蟠螭之奉斧自顧多媿誰云做宜
况乃大臣之務統理為宗所希解免此職專
勤一官退食之間服餌自養伏願特迴昭鑒
庶賜危矜則私志得申朝章無紊在於微臣
良為幸甚不許之 辛未賜陸奧鎮守府印
一面死用國印今殊賜之 八月辛巳上為
先太上天皇及太皇太后置酒於冷然院
上奉白王卮伶官奏樂令源氏兒童舞于殿

上極歡而罷以綿一万余賜五位已上并院
司祿谷有差太上天皇及太皇太后將御
嵯峨新院故有此讎設也 壬午授死位益
野女王從五位下以右中弁正五位下伴宿
栴氏上為造船使長官 乙酉宗康親王始
謁觀焉于時春秋七歲也 丙戌賜構津國
西成郡閑地一百町於諱諱之所指 丁亥
先太上天皇遷御嵯峨院 戊子任遣唐錄

事准録事知乘船事各一人以外從五位下
三嶋公嶋繼爲造船都匠 庚寅上内宴清
涼殿号曰芳宜華 讌賜近習以下至近衛將
監祿有差 壬辰以遣唐都匠外從五位下
三嶋公嶋繼爲兼阿波權掾准録事兼外國
次者一人 戊戌遣使平城七太寺始自當
月一七日夜令轉讀大般若經其由不詳 己亥
暴風大雨相并折拔樹木民庐房舍由是走

幣畿内名神祈止風雨 庚子夜裏風雨猶
切達且不罷城中人家往往倒塌賜紀伊國
人從七位下紀朝臣奈須等五人朝臣姓
九月し卯左大臣藤原朝臣緒嗣重復上表
曰優詔不許 丙辰是重陽節也天皇御紫
宸殿宴侍從已上自外非侍從及諸司綠衫
官人堪應詔者并文章生等待爲同賦秋風
歌之題宴訖賜祿 乙己久子内親王爲所

侍伊勢齋官先楔枝賀茂川始入野宮 戊
午天皇御大極殿奉幣伊勢太神宮僧正傳
灯大法師位護命卒法師俗姓秦氏表濃國
各務郡人年十五以元貞寺万耀大法師爲
依止入吉野山而若行焉十七得度便就同
寺勝虞大僧都學習法相大乘也月之上半
入深山修虚空藏法下半在本寺研精宗旨
教授之道遂得先鳴弘仁六年權任少僧都

七年轉大僧都僧統之職非其好尚上表曰
不能者止曩愆之格言前而不休前修之所
誠雖教有貞俗緇素之趣非同而既曰網維
止足之義何異唯令戒緒多紊定惠或虧譬
大地之一塵有之不增其重如鄧林之片葉
无之未減其茂而夙稟息緒泰掌法務質均
宋棘四衆之望已達色混齋筭三輩之心不
朕况乎甲子荏苒年七十四蒲柳之形先衰

桑榆之景復沒浮生若此前途况何當今其
露之門鷲鷲成列梅檀之苑龍象比肩豈可
叨竊非批綿歷年序伏望兇茲所職栖託山
林持四句而終年向一人而奉福儻迴神鑒
俯允愚哀則夢瓊殘魂不妨賢路提綱要職
更得良材天皇不許然而屏居右京山田寺
喫飯口中得佛舍利一粒復在普光寺講唯
識論疏時於頂上亦得一粒異類歡使人

驚感天長四年特任僧正年八十五終干元
貞寺少塔院未及氣絕時同寺僧善守欲致
問說自石上寺尋向此到少塔院忽聞微細
音豈鬢髮院裏可謂淨刹所迎天人之樂也
壬申勘解由主典阿直史福吉散位同姓
核公等三人賜姓清根宿祢核公之先百濟
國人也辛酉河內國古市郡人從六位下
縣大養宿祢小成改本居貫附右京一條

癸酉坐能登國正三位勳一等氣多太神宮
栴宜祝二人始令把笏十月己卯佐渡國
言慶雲見焉於是下詔曰朕云云辛巳以
昔被没官橘朝臣奈良麻呂家書四百八十
餘卷賜彈正尹三品秀良親王以外戚之戚
也壬午後太上天皇幸雲林院遊獵北郊
有四園藏人所隼從之甲申嵯峨院寢殿
新成今上遣使奉獻以賀之乙酉從四位

下高階真人淨階卒戊子車駕幸栗隈野
放鷹鳥鷄日暮還宮壬寅山城國愛宕郡閑
地六町賜從四位下滋野朝臣貞主癸丑
右京人陰陽寮允正六位上葛井宿林石雄
兵部省少錄正六位上同姓鮎川賜姓蕃良
朝臣甲寅改常陸國人外從五位下有道
宿祢氏道本居貫附左京七條十一月己
未左近衛將曹佐伯官成獻白馬女孀河內

國若江郡浮穴直永子賜姓春江宿祢 辛
亥正六位上百濟王安義正六位上百濟王
慶仁並授從五位下 丙子改越前國板井
郡荒田女町賜基貞親王 癸亥依兵部省
所請以國造田女町地稅永充親王已下五
位已上女入試習内射之資 乙丑以從五
位下清原真人秋雄爲侍從從四位下紀朝
臣深江爲刑部大浦從五位下藤原朝臣貞

公爲出雲守從五位上紀朝臣良門爲紀伊
守 十二月己巳佐渡國言國例每郡郡司
一人專當貢賦冬中助倫夏月上道而或遭
風波留連海上或供相撲節不得早歸此際
無人充用郡政擁滯請正負外每郡置權任
負支配雜務許之 壬申制囚獄司物部乃
緒用胡桃染 辛巳施行天長年中所新擇
令義解下詔曰納諸軌物王道所先制以度

量皇猷斯在故知彌成五教衛勤万方垂拱而理其法令乎後太上天皇倏旣玄扈比德丹陵事勤遠屆廣存長策以爲法令文義隱約難詳前儒註釋方圓迥執豈使三家異說輕重參差二門殊躅舞文弄法永言於此固切宸中爰勅在朝迺令討覈稽之於典籍參之以古今迄于滯疑榘稟聖斷咸加弁折已盡倫通裁卷十卷名令義解屈飛龍之眇鑿

顧汾陽之宵然未有施行藏之秘府朕以寡昧臨馭寰宇思通明謨導揚景業宜頒天下普使導用畫一之訓垂於萬葉 辛丑雷電鼓動 乙未太僧都傳灯大法師位空海上奏曰空海聞如來說法有二種趣一淺略趣二秘密趣言淺略趣者諸經中長行偈頌是也言秘密趣者諸經中陀羅尼是也淺略趣者如大素本草等經論說病源分別茶性陀

羅尼秘法者如依方合茶服食除病若對病人披談方經无由療病必須當病合茶依方服茶乃得消除疾患保持性命然今所奉講最勝王經但讀其文空談其義不曾依法畫像結壇修行雖聞演說甘露之義恐闕掌醍醐之味伏乞自今以後一依經法講經七日之間特釋解之法僧二十七人沙弥二十七人別莊嚴一室陣列諸尊像奠布供具持誦真言然

則顯密二趣契如來之本意現當福聚獲諸尊之悲願勅依請修之永為恒例散位外從五位下大戶首清上樂笙師正六位上同姓朝臣生等十三人賜姓良枝宿祢安倍氏之枝別也諸陵少允正六位上中科宿祢直門左少史從七位下同姓繼門等賜姓菅野朝臣津連之別姓也 乙未散位從七位下川上造吉倫成賜姓春道宿祢伊我色雄命之

堂舍已建修誦未創願且割被入東寺官家
功德料封千戶之内二百戶甲斐國五十戶
下總國百五十戶
以充僧供為國家薰修利濟人天皇許之平
城旧宮処水陸地亦餘町永賜高岳親王親
王者天推國高彦天皇第三子也太同年
中未少登儲貳世人号曰蹲居太子遂遭時
變失位落髮披緇位干東寺丁巳正三位
源朝臣信為近江守左兵衛替如故正四位

下源朝臣弘為信濃守官内卿如故從五位
下小野朝臣篁為備前權守遣唐副使彈正
少弼如故三品秀良親王為太宰帥彈正尹
如故癸亥天皇御豐樂院觀射馬宴百官
於朝堂詔授從二位源朝臣信正二位從四
位下藤原朝臣良房從四位上從五位上永
野王正五位下從五位下三繼王津守兼從
五位上无位嶋江王正六位上廣坂王並從

五位下從四位下藤原朝臣廣敏紀朝臣善
岑百濟王勝義並從四位上正五位下田口
朝臣佐波主從四位下從五位上藤原朝臣
長尾當宗宿祢家主並正五位下從五位下
藤原朝臣行道紀朝臣名虎高階真人石川
永原朝臣繼小野朝臣篁並從五位上正六
位上藤原朝臣廣野文室朝臣色樂橘朝臣
宗雄藤原豐仲伴宿祢諸山安倍朝臣濱成

紀朝臣應守出雲宿祢岑嗣並從五位下外
從五位下御船宿祢賀枯外正五位下正五
位上廣井宿祢第名長岑宿祢高名川田首
種繼官人朝臣垣麻呂春峯朝臣廣津麻呂
門部連貞宗大村直福吉並外從五位下宴
了賜祿各有差左京人遣唐史生道公廣持
賜姓當道朝臣和銅年中肥後守正五位下
道君首名治迹有邑永存遺愛廣持是首名

續日本後紀
之孫也。庚申去年有勅令相摸上総常陸
上野下野等國奉寫一切經今亦貞元并梵
釋寺目錄所載律論疏章紀傳集抄每國均
分令加寫之。丙寅天皇內宴於仁壽殿公
卿近習以外內記及直校書殿文章生下兩
人殊蒙恩昇共賦春色半暄寒之題宴訖賜
祿是日授正六位上壬生公永外從五位下
戊辰令鑄新錢下詔曰懋遷之軌標自昌

言交貨而退取諸啞嗑則知龜文人弊真於
曠時蝸影拙縉歎於旧術姬王園法有無以
之化居漢室泉刀鍛散由其不遺斯固邦家
取要配地馬而无疆公私攸宜擬天龍而自
遠然而推輕作重公世或拔子去母隨適時
開務况年祀浸久資幣已賤不有平量何救
流弊是以今制新錢以叶適變文曰兼和昌
宝以新錢之一當旧錢之十新之与旧宜令

並用大僧都傳灯大法師位空海上表請度
真言宗年介僧三人許之是日雷三色已
已天皇御射場常陸太守葛井親王右大臣
清原真人夏野等侍焉至中鵠之人及取御
箭內豎大舍人賜布有差是日後太上天皇
幸姬攝氏所誕育皇子爲親王左京人右馬
寮權大允清友宿祿真世散位同姓魚引等
賜姓並品宿祿非其願也公家避贈太政大

臣攝代之名耳左近衛戶嶋守右兵衛同姓
真兼等賜姓安岑連平嶋守之先百濟國人
也甲戌行幸芥川野遊獵日暮車駕還宮
二月丙子朔丁丑以外從五位下長岑宿
祿高名爲遣唐判官從七位上松川造貞嗣
爲録事從八位下大和真人耳主太初位下
序原公有守並爲譯語己卯俘囚勲五等
吉弥雙宇如奴勲五等吉弥侯志波宇志勲

五等吉弥侯億可大等賜姓物部斯波連
 庚辰大和國人正六位上忍海原連嶋依同
 姓百吉等賜姓朝野宿柁葛城襲友之後也
 戊子河内國人右少史掃守連豐永少典
 鎰同姓豐上等賜姓善世宿柁天忍人命之
 後也壬寅丹後國人從八位上久美公金
 氏賜姓時統宿柁伊积速日命之苗裔也丙
 申天皇御紫宸殿右大臣從二位清原真人

夏野獻芝草一莖有兩枝者一尺長一尺六寸一尺長一尺
 其色紫緋相雜每莖之末有菌而產于大臣
 山莊双岳之下是日賜酒侍臣以賀祥芝賜
 禄有差戊戌坐越前國正三位勳一等氣
 比大神祝柁宜准鹿嶋能登兩大神祝柁宜
 令以把笏下野國武茂神奉授從五位下此
 神坐株沙金之山壬寅行幸水生瀨野遊
 獵賜扈從者禄丹後國人從八位上久美公

金氏賜姓時統宿祢伊杵速日命之苗裔也
賜大學寮印下面 三月丙午朔天皇御紫
宸殿侍從厨献御贄設酒饌侍臣具醉賜祿
有差 丁未地震 癸丑右京人近江少目
從七位下伊蘓志臣廣成大和國人正六位
上同姓人麻呂紀伊國人外正八位上紀直
繼成等十二人賜姓紀宿祢 丙辰豐安法
師爲大僧都明福法師爲少僧都泰景法師

善海法師直爲律師 丁巳勅後太上天皇
御封二千戶皇太后御封一千戶准冷然院
御封行之若當有損年以公相補令進之帥
太宰府綿甲一百領曹一百口榜四百腰充
遣唐舶不虞之倫 己未太宰府言壹岐嶋
遙居海中地勢溢狹人數寡少難支機急頓
年新羅商人來窺不絕非置防人何倫非常
請令嶋倭人三百廿人帶兵仗戎十四処要

害之埒許之。庚申鑄印一面充冷然院。辛酉下総國人陸奥鎮守外從五位下勳六等物部迺瑛連熊猪改連賜宿林又改本居貫附左京二條昔物部小事大連錫節天朝出征坂東凱歌皈報藉此功勳令得於下総國始建迺瑛郡仍以為氏是則熊猪等租也鑄錢司言被給俸料一分之人唯一千束僅支朝夕不足衣服迂替之日无糧還京右大

臣處分斑奉正稅十六万束於備後安藝周防長門豊前等國各三万二千束以其息利每人倍給之下総國言民飢賑給之。丙寅大僧都傳灯大法師位空海終于紀伊國椋居。庚午勅遣内舍人一人吊法師喪并施喪料。後太上天皇有吊書曰真言洪匠密教宗師邦家憑其護持動植荷其構念豈圖崦嵫未遑无常處役仁舟廢棹弱喪失歸嗟呼

哀哉^{カガ}禪関^{ゼン}僻左^{ヒクサ}凶問^{クウモン}晚傳^{マンデン}不能^フ使者^{シヤ}奔赴^{ホンシ}相
助^シ茶毗^{チャヒ}言之^ヲ為恨^ニ悵恨^ニ曷已^ニ思^ヒ村田^{ムラタ}窟^ク悲涼^{ヒヤウ}
可料^{コリョウ}今者^{イマノキタ}遙寄^{トヨカ}草言^{クサコト}吊之^ヲ着録^{シヨク}弟子^{トシ}入室^{ニシツ}來
門悽愴^{セウセウ}奈何^{ナニシ}兼以^テ達旨^{トクシ}法師^{ハフシ}者讚^{サメ}岐國^{キノクニ}多度^{タタ}
郡人^ノ俗姓^ハ佐伯^{サウヘ}直年^{ナカトシ}十五^ニ就舅^{シユ}從五位^ニ下^ノ阿
刀宿^{アタリ}称大足^{オホタリ}讀書^{ヨミ}文書^ヲ十八^ニ遊學^{ユウガク}摠市^{トウシ}時有^ニ
一沙門^ニ呈示^シ虚空藏^{クウコウザウ}來聞持^{キキ}法其^ノ經說^{キョウセツ}若人^ニ
依法^ニ讀此^ヲ真言^{マコトコトワザ}一百万遍^{イツブツマンベン}即得^ト一切^{イツツク}教法^{キョウハフ}文

義謫^{ギタク}記於^ニ是信^ニ大至^ニ之誠^ニ言望^ニ飛焰^ニ於鑽燧^ニ
攀躋^{ヨチノボリ}阿波國^{アハノクニ}大瀧^{オホタリ}之嶽^ノ勤念^ニ本左^ノ國室^ノ戸^ノ之
崎^ノ幽谷^ノ應色^ノ明星^ノ來歎^ヲ自此^{ヨリ}專解^ニ日新^ニ下筆^ニ
成文^ニ世傳^ニ三教^ノ論是^レ信宿^ノ間所^ニ撰也^ニ在於^ニ書
法最^ニ得^ニ其妙^ニ与張芝^ト齊名^ニ見^ル祢草^ニ聖年^ニ亦一^ニ
得度^ニ延曆^ニ廿三年^ニ入唐^ニ留學^ス遇^テ青龍寺^ノ惠果^ノ
和尚^ノ稟^ニ學^ニ真言^ヲ其宗旨^ヲ義珠^ノ莫不^レ該通^ニ遂懷^ニ
法寶^ヲ歸來^リ本朝^ニ啓^キ秘密^ノ之門^ヲ弘^ク大日^ノ之化^ヲ天

長元年任少僧都七年轉大僧都自有終焉
之志隱居紀伊國金剛山寺化去之時年六
十三 四月丙子勅曰象着損上札存寧儉
王者則之古今合契朕雖菲昧跂予思齊去
恭就約夙閑情慮如今所有朕之兒息除親
王之号賜朝臣之姓先太上天皇丕息闕極
玄沢更加不令別姓被以源氏使与曾孫而
同蔭共渭派而混流其前号親王仍旧不改

同母後產猶獲一例等制准弘仁五年天長
九年兩度勅書直告中外咸俾聞知甲斐國
巨麻郡馬相野空閑地五百町賜一品式部
卿葛原親王 已卯勅令天下諸國修文殊
會其會料者每年割取救急稻利三分之一
充用 辛巳叙從四位上藤原朝臣良房從
三位爲權中納言 戊子死品嚴努内親王
薨天皇爲之不親事三日親王者平城天皇

第二皇女母紀氏從三位木津魚朝臣之女
從五位下魚負是也 庚寅以叅議正三位
源朝臣信爲左近衛中將近江守如故權中
納言從二位藤原朝臣良房爲兼左兵衛督
叅議從四位上文室朝臣秋津爲右近衛中
將春宮大夫武藏守如故大和國人正七位
上仲九子連乙成同姓從八位上真當等賜
姓仲宿祢 甲午亮子內親王楔于賀茂川

始入齋院 丁酉右大臣從二位兼行左近
衛大將清原真久夏野上表請辭大將之任
不許 戊戌先太上天皇不豫也中使輪轉
候問起居尋亦平復 己亥授從六位上文
室朝臣茂道從五位下外從五位下賀茂縣
主廣友外從五位上正六位上賀茂縣主廣
雄外從五位下 庚子越前國飢賑給之
癸卯攝津國嶋上郡荒廢田三町賜左大臣

正二位藤原朝臣諸嗣 甲辰天皇御武德殿閱覽左右馬寮御馬也應供奉五日節者惣牽於此 五日丁未近江國飢賑給之 己酉天皇御武德殿觀馬射 庚戌亦御同殿覽種種馬藝 甲寅叙從五位上紀朝臣名虎正五位下外從五位下善世宿祢遠繼從五位下 壬子伊勢加賀長門國飢並賑給之 乙卯天皇幸神泉苑追涼酣暢干侍

臣賜祿商布各有差是日便令捕池魚奉嵯峨淳和兩院 丁巳以義作權掾外從五位下長岑宿祢高名轉任權從遺唐判官如故 正四位下永原朝臣子伊大比卒 甲子宮內卿正四位下源朝臣弘爲刑部卿信濃守如故 辛未正七位上勳七等伴刈田臣繼守外從八位上真髮部公吉人並授外從五位下 癸酉右京人丹波權大目昆解官繼

内豎同姓阿繼等賜姓廣野宿祢百濟國人
夫子之後也太政官处介伊賀尾張出雲美
作倫中倫前倫後安藝紀伊阿波等國年料
貢賦練絲等宜減其色令進上絲六月乙
亥朔丁丑從二位右衛門督紀朝臣百繼上
表辭職不許己卯從四位下藤原朝臣松
子卒癸未從四位下紀朝臣田村子卒
壬寅令中務少輔進佛舍利七粒於内裏

不知

其所 癸卯勅當今嘉穀初秀秋稼方實如
從來 風雨失時恐致損害宜令十五大寺常住僧
各於本寺轉讀大般若經憑其冥護必致豐
稔秋七月甲辰朔天皇宴群臣於紫宸殿
左右近衛迺奏音樂勅令四位已上開襟至
夕宴罷賜禄有差 己巳走幣於天下名神
預攘風雨之灾 丙午漕讚岐國正稅穀以
賑淡路國飢民 戊申奉幣於伊勢太神宮

亦為防風雨之災也。辛亥行幸神泉苑觀相撲節。甲子知賜讚岐國三野郡空閑地百餘町。時子內親王。丁巳天皇御紫宸殿正四位下菅原朝臣清公侍讀。後漢書數日之後不遂而輟。有以也。癸亥以從二位紀朝臣百繼為云云。甲子以空閑地山城國愛宕郡二町上野國山田郡八十町賜諱。田邑。八月甲辰朔天皇御紫宸殿先是左右四衛

府相撲於殿庭右方。肩籌今日獻其輸物。各奏音樂。是日霖雨霽。與領幣畿內名神以賽于禱。其丹生川上社殊奉白馬。丁巳佐渡國言去歲風雨為災。年穀不登。今茲飢疫相仍。死亡者多。詔賑恤之。先是稟貸筑前國貧民正稅一萬束。限以五年而窮乏輩餘弊未復。因更延三年也。乙亥且禁京畿之內來月。供比辰灯。以齊內親王可入伊勢也。戊寅

是日釋奠後朝也。天皇御紫宸殿，喚明經、碩儒、鳴生、昇殿，迺令講義畢，賜祿有差。丁亥，從四位下滋野朝臣貞主爲兵部大輔，相摸守如故。甲午，天皇御紫宸殿，侍從厨獻御贄爲侍臣，設酒饌，賜見參五位已上，祿各有差。己亥，內侍臨東楹，計見陪五位已上，賜太宰府所貢染綾谷一疋，色隨其人位。辛丑，天皇御紫宸殿，左近衛中將源朝臣信聊

有奉獻賜侍從已上衣被，外從五位下廣井宿祢第名授從五位下，信朝臣之舅也。齊內親王後于賀茂川爲可入伊勢齊宮也。是日自嵯峨院御馬十疋奉內裏。九月癸卯朔，天皇御紫宸殿，皇太子朝謁，賜群臣酒，具醉而罷。先是木工寮中所蓄長上雜工隨其才巧，各有品數而兼前考文物，惣注長上木工，不別其品色。至是長上及工品選其人，每色弁

置隨闕補之木工八人土工二人瓦工二人
輓軛工一人檜皮工二人鍛冶工二人石灰
工一人乙巳右京人散位宇自可臣良宗
賜姓春庭宿祢茂狹嶋命之苗裔也 丙子
授正五位下藤原朝臣長岡從四位下し未
天皇御大極殿道齊內親王於伊勢太神
宮 辛亥天皇御紫宸殿賜菊醪宴於侍從
已上但召非侍從及諸司綠衫官人堪應詔

者并文章生等如常同賦秋氣搖落効梁元
賦之題宴訖賜祿 乙卯外從五位下嶋木
史真機巧之思頗超群匠欲備邊近兵自製
新弩縱令四面可射迴轉易發是日大臣以
下執政於朱雀門召集諸衛府以新弩試射
之向南而發唯闕抗發之色不親矢去之歎
迹其矢所止不得的知河內國人左近衛將
監伊吉史豐宗及其同族惣十二人賜姓滋

生宿祢唐人楊雍之孫貴仁之苗裔也。辛未以上野國群馬郡伊賀保社禰之名神。冬十月壬申朔賜親王以下侍從己上祿綿。有差以寒服之初也。乙亥丹波國人右近衛醫師外從五位下大村直福吉及其同族并五人賜姓紀宿祢焉。武內宿祢之枝別也。福吉妙得瘡瘡之術。當時諸醫不得間。然天皇寵愛至賜宅居。遂據其口訣。令撰治瘡記。勘

解申使言使局雜使十二人之中給服食者二人。便以此二人号爲使掌准者。掌令把笏行之。甲申行幸箕津野。迺放鷹鷄。賜扈從者祿。日暮還宮。戊子攝津國人從五位下長茂孫葛城及同族合三人賜姓。長宗宿祢。事代主命八世孫忌寸宿祢苗裔也。己丑延曆寺僧傳灯太法師位義真奏言天台一門已立丹宗大乘三学流傳未周。宜簡堪爲

講讀師者各一人每年申官補之演傳此宗
然則皇風遠振惠日再明宣揚像教弘闡妙
法作菩提之由漸爲彼岸之良田勅許之
庚寅以從六位下藤原貞敏爲遣唐准判官
壬辰先是五月六日左右馬寮於武德殿
前競馳御馬以決勝負右御馬負焉至是右
方三衛府及右馬寮共奉輸物兼奏雜樂宴
竟賜祿有差 癸巳河內國人散位正六位

上林連馬主賜姓伴宿祢又改本居貫附右
京 戊戌遣唐錄事松川造貞嗣散位同姓
家繼等賜姓高岑宿祢其先高麗人也 庚
子勅左京人從六位下民首氏主賜姓長岑
宿祢焉氏主等与白鳥村主同祖出自尊公
伯禽云 辛丑河內國荒廢田八十五町賜
時子内親王十十月壬寅朔戊申賜主計頭
從五位上宮道宿祢吉倫麻呂玄蕃少允同

姓吉倫繼等朝臣姓甲寅左京人正六位上越智直年足伊豫國越智郡人正六位上越智直廣成等七人改直賜宿祢辛酉遣唐使智乘船事從八位上香山連清貞兄二人改連賜宿祢其先百濟國人也癸亥兵部省所請以造田廿町地稅永充親王已下五位已上廿人調習内射之資丁亥賜右京人遣唐詔語戸原公有子兄散位柏守等

朝臣姓春宮坊小屬佐太忌寸道成兄散位道繼等賜姓滋原宿祢八多真人同族也丁酉賜讚岐國人從六位上秦部福依身福益等三烟秦公姓攝津國人散位矢田部造聰耳身從八位上貞成等賜姓真野宿祢戊戌賜左京人内豎從六位上上毛野公諸兄朝臣姓近江國人彈正太弼嶋朝臣真行賜姓高生朝臣其先觀松茂香殖稻天皇之

後也左京人正六位上秦忌寸賜姓朝原宿
祢巳亥左京人道公安野賜姓當道朝臣
十二月辛未朔天皇御紫宸殿賜群臣酒
先是右大臣清原真人斐野在楓里分見五
彩慶雲是日以其圖畫并相共見人姓名奏
覽且勅慶賀之誠左右近衛府迺奏音樂既
而賜見參親王以下五位己上祿各有差
壬申授遣唐大使從四位上藤原朝臣常嗣

正二位副使從五位上小野朝臣篁正四位
上並大臣口宣不授告身癸酉故奏議刑
部卿從四位上小野朝臣岑守前爲太宰大
貳時建議續命院一處以備往來之舍宿但不
籍公力恐不得長存乃叙本意具條解文曰
管九國二嶋之民或公或私往來相續其求
輕者暫經時月其夏重者竟歲始還客宿於
府倉之下賃寄於閭閻之間若病纏身手足

不隨官舍督察非養病之處王家爭赴皆惡
死之人遂使露卧道路暴死風霜縱有時得
痊愈亦以飢寒死者十而七也矣見其如此
心深救恤聊建續命院一處檜皮葺屋七宇
鼎一口墾田百十町以擬飢病有志無力庶
幾萬一地隔人遠執捨難周轉以屬人更增
踈廢若遂不因心力恨心願之從已伏望令
府監或典一人及觀音寺講師勾當其事相

替之日一事已上皆依實勘謝若不加修理
令致破損及非法費用之類並以官法論未
及上聞岑守物故其家就大臣追以陳請勅
報曰思撫黎旼不忘鑿寐宇縣負遠死聞控
告見此并納爰知忠既速令所司俾允所請
勾當之官迂替之日与奪解田一准國司
甲戌夷俘出境禁制已久而頃年任意入京
有徒仍下官符譴責陸貞出羽按察并國司

鎮守府等左中弁從四位下笠朝臣仲守卒
 壬午尾張國日割御子神孫若御子神高座
 結御子神惣三前奉願名神並熱田大神御
 兒神也 甲申奉授阿耶賀大神從五位下
 此神坐伊勢國壹志郡 乙酉行幸芥川野
 遊獵 庚寅主上始於清涼殿限三夜裏札
 拜佛名經能登國言早疲相仍人民飢苦賑
 給之 壬辰天皇幸神泉苑放隼拂水禽

乙未以叅議從四位上藤原朝臣常嗣為兼
 左大弁近江守如故云云

續日本後紀卷第四

